



Rabu, 28 Juni 2023
Ogen: Rut 2:2-3,18-23



Tetap Arih-Arih



Lit sada turi-turin kerna simetua ras permain. Alu sada penungkenen, ise diberu si paling bahagia i doni enda? Jababna e me si Hawa, erkiteken Hawa ngenca la ersimetua, nina. Banci saja enda nuriken kuga pelikna hubungan simetua ras permainna aminna pe bas pakasa si genduari enterem nge simetua ras permainna cukup kompak. Usihen kerna dua kalak diberu i bas hubungan simetua ras permain, teridah arah Naomi ras Rut. Apaika anakna, perbulangen Rut enggo mate. Kiniseran, kemiskinen ras kelungunen banci jadi 'pemersatu' si mbelin. Aminna lit kesempatan Rut guna mbuka lembaren baru i bas geluhna alu mulih man orangtuana. Penggejapen si seri e erbahanca si tatangen ia guna nerusken geluhna, amin mulih pe ku Betlehem.

Komunikasi jadi dalam si mbelin kal i bas kegeluhen Rut ras Naomi, janah arih-arih jadi kata kunci si erbahansa sikap perdalannya duana. Selaku kalak pertandang, amin perbulangenna anak kuta e, Rut tuhu-tuhu langa bo nandai situasi ras masyarakatna. Amin bage labo ia putus asa , rukur ia, kai sibanci ibahanna guna ncukupke kegeluhen. Kai si lit ibas ukurna, ikatakenna man Naomi si enggo iakapna jadi nandena. Lawes me ia mumahi ruhi gandum janah kenca mulih mumahi ruhi gandum e, tetap ercakup ia ras Naomi, nuriken pengalamenna sada wari. Janah ijagana kal Rut gelah la igasgasi kalak, e maka iturikenna kerna perkade-kadenna ras Boas si mada juma si i je Rut erdahin. Bagenda me duana ia tetap arih-arih kerna kegeluhenna.

Rukitken pengalamen Naomi ras Rut enda, labo ka sitik bagenda hubungenta selaku simetua nta pe permen ulina. Tetaplah si jaga hubungan si mehuli e alu tetap arih-arih.